



Broj:12-11-577/23
Sarajevo, 09.01.2023. godine

Na osnovu člana 90. Zakona o javnim nabavkama Bosne i Hercegovine („Službeni glasnik BiH”, broj: 39/14 i 59/22), ministar kulture i sporta Kantona Sarajevo, donosi

PRAVILNIK O POSTUPKU DIREKTOG SPORAZUMA

Član 1. (Predmet Pravilnika)

Ovim Pravilnikom se definira postupak javne nabavke, roba usluga i radova koji provodi Ugovorni organ - Ministarstvo kulture i sporta Kantona Sarajevo (u daljem tekstu: Ministarstvo) putem direktnog sporazuma iz člana 90. Zakona o javnim nabavkama (u daljem tekstu: Pravilnik).

Član 2. (Uslovi za primjenu direktnog sporazuma)

- (1) Ministarstvo provodi postupak direktnog sporazuma za nabavku robe, usluga ili radova čija je procijenjena vrijednost jednaka ili manja od iznosa od 6.000,00 KM.
- (2) Sredstva koja se planiraju za nabavke koje se provode putem direktnog sporazuma za nabavku robe, usluga ili radova su sredstva čija je procijenjena vrijednost jednaka ili manja od iznosa od 6.000,00 KM.
- (3) Izuzetno, u slučaju potrebe za nabavkom istovrsnih roba, usluga i/ili radova (istovrsna nabavka), nabavka na godišnjem nivou putem direktnog sporazuma može iznositi i preko 6.000,00 KM pa sve do maksimalno 10.000,00 KM, s tim da i u tom slučaju niti jedna pojedinačna nabavka ne može iznositi više od 6.000,00 KM. U svim takvim slučajevima biće potrebno obezbijediti dodatna sredstva, izvršiti izmjenu plana javnih nabavki te provesti novi postupak direktnog sporazuma.
- (4) Istovrsna nabavka je ona nabavka koja ima istu ili sličnu namjenu, pri čemu isti ponuđači, u odnosu na prirodu djelatnosti koju obavljaju, mogu da je ispune.
- (5) Postupak direktnog sporazuma se može provesti kada je procijenjena vrijednost istovrsnih roba, usluga ili radova na godišnjem nivou jednaka ili manja od 6.000,00 KM.
- (6) Ministarstvo može započeti postupak direktnog sporazuma ako je takva nabavka predviđena planom nabavki.

Član 3.
(Principi dodjele direktnog sporazuma)

Postupak direktnog sporazuma se provodi na načelu da se osigura poštovanje principa iz člana 3. Zakona o javnim nabavkama.

Član 4.
(Početak postupka)

- (1) Procjenjivanje vrijednosti javne nabavke koja se dodjeljuje direktnim sporazumom vrši se u skladu s članom 15. Zakona o javnim nabavkama.
- (2) U postupku direktnog sporazuma je dozvoljeno pregovaranje o cijeni ili ponudi.

Član 5.
(Izvršenje postupka)

- (1) Ministarstvo ispituje tržište te pisanim putem ili putem portala javnih nabavki traži prijedlog cijene ili ponudu od jednog ili više privrednih subjekata koji obavljaju djelatnost koja je predmet javne nabavke.
- (2) Nakon što primi prijedlog cijene ili ponudu na jedan od načina iz stava (1) ovog člana, a prije zaključivanja direktnog sporazuma, Ministarstvo:
 - a. pregovara sa ponuđačem/ponuđačima o cijeni i/ili
 - b. prihvata prijedlog cijene ili ponudu jednog ponuđača.

Član 6.
(Izbor ponuđača)

- (1) Kod izbora ponude na osnovu koje će biti dodijeljen ugovor, Ministarstvo treba uzeti u obzir faktore kao što su cijena, količina, kvalitet, tehnički opis, estetske i funkcionalne zahtjeve, karakteristike koje se odnose na okolinu, vrijeme i period isporuke i sl.
- (2) Ministarstvo bira ponuđača na način koji garantira najbolju razmjenu vrijednosti za novac, a kada vodi pregovore koji se odnose na prijedlog cijene ili ponudu, djeluje u skladu sa dobrom komercijalnom praksom.
- (3) Kada se traži prijedlog cijene ili ponuda, Ministarstvo daje ponuđačima određeni rok da pripreme prijedlog cijene ili ponudu, uzimajući u obzir kompleksnost nabave.

Član 7.
(Zaključivanje direktnog sporazuma)

- (1) Direktni sporazum se smatra zaključenim prilaganjem računa ili druge odgovarajuće dokumentacije.
- (2) Za javne nabavke čija vrijednost je viša od 1.000,00 KM (hiljadukonvertibilnihmaraka) Ministarstvo je obavezno zaključiti ugovor.

Član 8.
(Izveštaj o provedenom postupku)

Izveštaj o provedenom postupku direktnog sporazuma Ministarstvo objavljuje na portalu javnih nabavki Agencije i Registru javnih nabavki Kantona Sarajevo.



Član 9.
(Prelazne i završne odredbe)

Izmjene i dopune ovog Pravilnika vrše se na način i po postupku njegovog donošenja.

Član 10.
(Prestanak važenja)

Stupanjem snagu ovog Pravilnika, prestaje sa važenjem Pravilnik o postupku direktnog sporazuma (broj: 12-02-3939 od 13.03.2015.g.).

Član 11.
(Stupanje na snagu)

Ovaj Pravilnik stupa na snagu danom donošenja.



Pripremila: Elvedina Kozadra
Kontrolisao: Nedžad Borišić